



王文靖公集卷十三

傳

莊方伯傳

受業

南克王升

校訂



明天啟間。外祖梁懸黎公。以右副都御史撫治鄖陽。丙寅丁卯之際。魏璫跋張甚。媚璫者爭為建祠。奏請恐後。獨鄖撫無疏。未幾。熹宗晏駕。建祠者俱獲譴。而鄖陽直節重天下。是時同城共事。力沮其議者。荆南

道。叅政。莊公也。公諱廷臣。字龍祥。號凝宇。常州府武進縣人。其先籍鎮江金壇。宣德中。有諱秀九者。入贅於武進之蔣氏。因家焉。三傳而生大叅公禪。中弘治丙辰進士。授寶坻令。有循績。歷任河間知府。晉山東叅政。禪生齊。為唐荆川先生婦翁。齊生憲。憲生以涖。以涖生公。自大叅公而下。俱以文學世其家。公自幼食貧。屢困童子試。年三十。始補博士弟子員。自後。每試輒第一。聲名籍甚。應天巡撫趙公可懷。聘致師席。萬曆癸卯。舉鄉試第九人。又六年。庚戌。以第四人成。

進士。時年五十二。謁選得永嘉縣。高才晚成。人咸惜其遲暮。而公精采煥發。意豁如也。宰永嘉七年。多異政。舉天下清廉第一。時停考選。授禮部精膳司主事。尋轉本司員外。祠祭司郎中。陞江西湖東道副使。轉湖廣上荆南道叅政。會瑞藩之國。取道鄖江。鄖處萬山之中。無驛通。江乘無民居。公先事籌畫。具舟楫。募緝。時餼糧。置頓舍。沿江上下千餘里。皆親自閱歷。部署井井。王舟得濟。鄖人賴之。事既竣。魏忠賢建祠議起。郡縣初具詳上。公批其牘曰。藩封甫經。費用浩

繁。深山一道。安能作無米之炊。繼而詳請不已。輒度之高閣。不轉詳。亦不批答。知者咸危之。公不為動。魏璫敗。進按察使。分守廣東嶺南道。署海道篆。時海氛漸熾。閩有鄭芝龍。粵有李之奇。往來颺忽。所至焚掠。公明斥堠。遠偵探。盤詰奸細。申飭將弁。約諸估舶。俱停泊大洋。不許入口。諸商行金鉅萬。求少寬其禁。公拒不可。一日。撫軍為具召公。屏人語曰。洋船泊海口。又笑。似皆良民。願少留意。公毅然曰。誰保其為良民者。民方洵。傳言海賊欲窺省城。城中商民亡慮數百萬。若有奸人闖入。立刻壘粉。職家數十口。不足償也。撫軍改容謝曰。鄙人誠愚。見不及此。他日直指復以為言。公對如前。而申儆加甚。賊知有備。不敢發。省城得止恙。陞分巡浙江金衢道。尋晉右布政。分巡襄陽。陞本省左布政。公久于吏事。凡民生休戚。吏治賢否。錢糧贏縮。戶口登耗之故。罔不熟悉。杜絕苞苴。嚴斥耗羨。闔屬肅然。楚宗素橫。歲祿由藩司給發。例有扣除。公集宗人於堂。以各縣所解原鞘給之。宗人終

公任。無一敢諱者。為建生祠五處。年七十四。移疾。原
官致仕。優游林泉。又十餘年。乃卒。年八十有五。公夙
有知人之鑒。精於品藻。嘗觀風江漢。漢陽相國吳公。
年十五。公一見。竒之。閱其文。擊節稱賞。問其名。以吳
為治對。公為更名正治。指腰間犀帶。示之曰。子異
日必大貴。善自愛。此帶不足以盡子也。後悉如公言。
在禮部。顧公錫疇。以闡卷相質。公曰。此元作也。但
新例初改。必第二人矣。榜發。果然。其精識如此。

乙卯。同考浙江。得士甚盛。子五人。春先。瑞先。履豐。玉
鉉。鼎鉉。俱能文。蚤世。今來京師。館於余家者。名絳。鼎
鉉之子。公孫也。

贊曰。明季士大夫。多敦氣節。重廉潔。大義所在。死生
以之。觀公在鄖陽。不為魏忠賢立祠。風裁可想見矣。
筦海權。却市舶之金。給宗祿。革歷來之耗。古所稱四
知三不惑。兼而有之。他如藻鑿人材。品題文字。不棄
銖黍。又何神也。公積官二十餘年。官至左轄。家產不

及中人。子孫多食貧者。清風素節。其所由來者遠矣。

寧侍御傳

侍御諱承勳。字昭德。號康侯。其先山東武定州人。明

宣德中。有福讓者。始來京師。遂隸籍大興。傳至嶧陽

公。侍御公之父也。嶧陽公舉丈夫子五。長承熙。中萬

曆乙酉鄉試。歷官兵部員外。次承烈。中萬曆壬子鄉

試。歷官戶部員外。俱殉甲申之難。侍御公為第三。生

而穎異。嶧陽公竒愛之。自少即究心於理學經濟。丁

卯登順天賢書。戊辰。辛未。兩上春官不第。謁選署易州學正。丙子。陞授江南巢縣令。時流氛漸熾。公蒞任。五年。修城隍。厲器械。練鄉勇。備火器。鼓百姓以忠義。寬其征徭。賊屢躡廬鳳間。終不敢窺巢湖。以高等行取。拜廣東道監察御史。公去之五十日而巢陷。廟堂愈益材公。入臺。抗言直論。無所回避。會與時局多迂。引退家居。甲申。

皇清定鼎。起補禮部主事。尋考選山東道監察御史。

乙酉。巡按河南。時草昧初開。人心惶擾。兩河當流寇

後。民無孑遺。城郭傾圮。蒿萊一望千里。公入境。首招

流亡。勸開墾。興學校。令民立室廬。復田宅。郡縣印官。

多以本省人委署。公嚴為澄汰。貪墨者逐之。循良稱

職者。悉咨部改選。降弁多不法。輒按論不少貸。風紀

肅然。事畧有緒。乃具疏請修復省城。塞黃河決口。畧

言汴城地形。低於黃河。獨特層堤。以為天塹。自逆閘
決堤。以灌城。河水建瓴而下。臣由大河。汎舟直抵城
下。城垣半在沙淤水浸之中。進至安遠門。則甕城敵
臺。滅沒無影。循此而入。則高者為沙。為陸路。卑者為
水。為川流。入城一望。沙淤漫衍。似高阜可行。土人指
謂當日最低。今則街市廬舍。盡埋其下。水流浩瀚。似
低窪就下。土人指謂當日最高。今以他處淤高。則此

地反卑。再行三五里。始見屋脊露出沙上。盡為漁人
網魚之鄉。南門迤北。為周王府。府內盡成水鄉。宮殿
僅見椽桷。樹木惟存枝杪。此汴城大畧也。今銓官漸
集。辦事無所。請勅部查照省誌。舊設官衙幾所。除府
縣守土等官。仍駐汴城。其餘司道等官。駐某州某縣。
暫使分駐。以俟修葺之成。庶涖政有地。職務克盡。又
言汴口不塞。則水分勢殺。漕艘難行。是大梁之城。不
論修與不修。而堵塞南下之口。則斷不容緩者也。疏

八報可。自此河口始塞。汴城獲安。官舍民居。次第興復矣。按豫一年。條奏凡三百餘。八月。鄉試主監臨。公以兵荒之後。文教急宜鼓舞。尤重其事。為廣解額。准恩貢。優廩餼。士氣復振。中州人至今德之。以為國初建方第一云。差按雲中。入境不旬日。以他事。左遷福建布政使司都事。轉大理寺右寺正。乙未。恤刑廣東。溽暑驅馳。不避炎瘴。所平反。不可勝數。事竣還朝。中道而卒。年六十。子三人。坊。戊子科舉人。次垣。次培。俱

明經。諸孫皆孝謹。以文學世其家。

贊曰。侍御公與先公文貞同薦。丁卯賢書。相得甚歡。

侍御每謂先文貞曰。士大夫當明體達用。自一命以上。苟存心於利濟。事無不可為者。先文貞恒聽其言。公兩試不第。俛首廣文。似碌。無所表見。及宰巢邑。守巖城。捍圍撫綏。績稍。著矣。讀公按豫諸疏。凡三百餘。皆切中事情。喪亂之餘。人心未定。不有經綸。幹濟之材。何由起瘡痍。而登之衽席哉。汴城承平三百

餘年繁華於他省。河決之後。鞠為茂草。勞來安輯。公之力居多。觀公修復省城一疏。寫當日荒涼之狀如繪。今戶口日滋。富庶如舊。雖休養生息。出自聖朝。實公之言。有以啟之也。

張觀察傳

觀察張公諱弘俊。字識之。及庵其號。先世隸江南宜興人。明正統間。有諱旺者。以軍伍補燕山右衛。遂家京師。旺生譽。譽生守愚。隆慶庚午舉人。次守惠。生邦紀。萬曆戊戌進士。歷官禮部侍郎。兼翰林院侍講學士。贈禮部尚書。謚文愨。次邦經。中書舍人。歷晉太僕寺正卿。是為觀察之祖。邦經生永貞。中天啟丁卯鄉試第九人。觀察父也。與先文貞公同年。最相得。文章

道義朝夕切劘。觀察幼具至性。讀書過目成誦。九歲。父沒。哀毀如成人。客進吊。擗踊哭如禮。先文貞見而器之。以余第二姊字公。十歲。編讀五經。服闋。補博士弟子。試高等。食餼與叔永祺弟弘儼。弘佐自相師友。不沾。為帖括之學。每篝燈夜坐。辯論經史。揚抗今古。抵掌談笑。漏盡不休。丙戌丁亥。聯捷成進士。選秘書院庶吉士。己丑。授秘書院編修。公為文典雅。弘瞻性嚴毅。言笑不苟。館閣爭推重之。有欲致公門下者。

謝弗往。會有內外兼用之旨。以材堪外任。補湖廣分守武昌道。參議。公是時年未三十。湖湘之間。軍事旁午。聞命。怡然就道。凡簿書刑名。期會徵發。皆躬自裁決。黃州有疑獄。歲久未定案。一鞠得其寃。楚人驚以為神。明年陞廣西糧驛道副使。威惠並著。徭獍警服。尋以內艱歸。己亥。起補山西驛傳道副使。庚子。陞山東兗東道叅政。所轄故多盜。下令盜得自首。及相告捕者。貫其罪。暮年。萑苻解散。壽張濱運河。師旅往還。

舳艫絡繹。緯夫大為民累。公飭所屬毋濫給郵符下。按額以應。領兵者憚公方嚴。不敢譁。民困以甦。公質素羸。自燕之楚。之粵。之晉。之齊。五六年間。跋涉萬餘里。炎風朔雪。未嘗少避。所至勤於政事。皆膺特薦。然心力自此日瘁矣。癸卯陞福建按察司使。抵閩署。不一月而卒。得年四十有三。公為人沉靜廉潔。讀書務極根柢。立身行己。一軌於正。性孝友。自贈公捐館。事母盡誠敬。昆季同爨。無分彼此。所入俸羨。悉以贍其

宗親。嘗慨末俗澆薄。欲建宗祠。置義田。如范文正公法。令子弟讀書。其中冠婚喪祭。皆有資給。以執掌王事。未果。公叔永祺。後公六年成進士。殿試第二人。聲名與公頡頏。弟弘儼。弘佐。皆負雋才。弘儼辛卯舉人。弘佐廩貢生。亦文貞公壻也。從弟弘倣。辛未進士。官內閣中書。長子鏞。早卒。次錡。官監生。才識通達。能文章。

贊曰。余自垂髫。與觀察同塾。同雋鄉會試。又同館讀

書。至癸巳。始調外任。前此三十年。風雨晦明。無日不
共晨夕也。觀察言動舉止。一遵古人。被服造次。必于
儒者。先文貞公性嚴重。子弟見者。多屏息鵠待。未嘗
假以顏色。獨觀察至。必與議論終日。待之如執友。蓋
重其品。不獨以其才也。觀察沒。文貞公每語及。輒流
涕。青箱集中。有祭張識之文。語極悲痛。余惟張氏自
孝廉公發祥。科名相繼。玉堂芸館。代不乏人。邇年雖
稍凋謝。而餘風遺澤。猶有存者。振起而光大之。殆不

難也。錡勉乎哉。

記

扈從東巡行程日記

康熙二十三年歲在甲子九月。

皇上東巡。命臣熙從行。是月二十八日。黎明於午門內候駕。辰刻。

駕出。臣熙步隨至午門外。乘馬由正陽永定門入南苑北門。至晾鷹臺。

上賜外藩蒙古使臣宴。

上親御弓矢。令其觀射。臣熙等在臺下少憩。已復出南紅門。至南葛驛駐蹕。計程百餘里。二十九日。自南葛驛起行。過永清縣。至李家庄。少憩。晚至苑家口駐蹕。計程八十餘里。上是日行圍。

十月初一日。自苑家口起行。過苑家口河。至周家庄少憩。行二十餘里。於屯庄僧庵憩息。食粟米粥。傍晚。始至李河村駐蹕。計程七十餘里。

上是日行圍。午前陰。微雨。

初二日。自李河村起行。六十里。至周家庄。少憩。晚至河間府駐蹕。先一日。臣熙偶感寒熱。取汗未全愈。是日至宿處。同翰林院啟奏詳議祭泰山。及啟聖公文。奉

諭。將祭岱宗文中。應改一二語。再奏。又啟奏送到本章。候至更餘。

御前發下紅本。有應請

旨五本。隨即進

行宮請

旨畢。蒙

上詢問。臣熙。爾身子不快。今少好否。臣熙謹奏。因在途飲食不節。感冒風寒。昨晚少汗。今未全愈。隨蒙特恩。命御醫馬之駿看視。賜藥。晚服一劑。即覺痊愈。傳上諭。王大學士年漸老。今又患病。可乘轎隨後行。隨於河間覓一小轎。用四人肩之。行七十五里。晚至單

家橋南駐蹕。同翰林院奏改定祭文。奉

旨改的極好。臣熙隨奏。臣熙以微賤之軀。蒙

恩賜醫賜藥。又荷

特恩。曲體衰病。破格准令乘轎隨行。此異數曠典。不勝感激。奉

旨。卿年已老。須善加調攝。倘屢愈屢復。恐成大病。臣熙隨跪奏。臣以衰朽庸愚之身。荷蒙

皇上特恩。又仰煩

天心注念。

溫諭教誡。臣感激難盡。惟有祇遵。

上諭。謹慎調養。以矢效犬馬之報於萬一。奉

旨。知道了。俟全愈之時。再行禮。是晚馬御醫來看視。

給藥二劑。當晚服一劑。又少愈。但嗽尚未寧息。

初四日。自單家橋起行。六十五里。至阜城縣。少憩。二

十里。至宜家庄駐蹕。是日共行八十五里。

初五日。自宜家庄起行。三十里。至景州。於城北玉虛

宮少憩。三十五里。至劉智北陳姓庄。少憩。午餐。二十

五里。過河。至德州宿。是日奉到啟奏。候至更餘歸直

帳。共行九十里。

初六日。自德州起行。八十里。至平原縣。西關店中少

憩。午餐。自縣城過。十里。宿於野次。共行九十里。是晚。

禮部太常寺來會議。祭東嶽祝文內。不必恭書。

御名事。撰會議奏稿。夜大風寒。

初七日。自平原南野起行。六十里。至禹城縣。南關店。

中少憇。午餐。由縣中過。又行十五里。於二十里鋪北野次宿。計行八十里。

初八日。自禹城南二十里鋪北。野次起行。五十五里。過齊河縣。三十里。至杜家廟南。野次宿。是日。

上幸濟南。晚駐蹕行宮。是日風寒。

初九日。自杜家廟南野次起行。五十里。至張夏少憇。乘騎行。三十里。至萬德村宿。是日。本到。往啟奏。晚回直帳。

初十日。自萬德村起行。七十里。至泰安州城北。野次宿。上黎明發駕。已時登岱。是晚。

上駐蹕泰山頂上行宮。臣以年衰。病初愈。不克從登。十一日。自泰安州起行。四十里。至崔家庄。野次宿。是日。

上親祠東嶽於州城廟內。早候陪祀。未時。駕到行禮。陪祀畢。從行。至晚方到直帳。

十二日。自崔家庄起行。一百里。至新泰縣北。西州橋。

野宿。是日申時。雨至二更止。路途泥濘難行。燈時直
帳始到。是日奉到。啟奏候至二鼓。奉

諭拆本。次蚤請

旨。二鼓後始回直帳。

十三日。自西州橋起行。十里過新泰縣。六十里至蒙

陰縣。城東野次宿。是晚蒙

賜臣熙兔二隻。當時奏謝

恩訖。回直帳。

十四日。自蒙陰縣起行。六十里過堞庄驛。二十里至

仁堞村野次宿。

十五日。自仁堞村起行。六十里過徐公店。二十里至

半城。少憩十里。至大石橋野次宿。是日共行九十里。

是晚因病全愈。詣

行宮門。啟奏謝

恩。奉

旨。着行禮。晚回直帳。

十六日。自大石橋起行。四十里。至沂州。入城。四十里。至李家庄。十二里。至花園。野次宿。是日到直帳。少晚。十七日。自花園起行。一百二十里。至紅花舖。野次宿。是晚。奉

旨。隨往江南。蒙

恩。特賜一舟。同掌院學士臣孫在豐乘坐。是夜。因候

旨。三鼓始宿。

十八日。留直帳及馬駝從人等。於紅花舖喂養。輕騎

減從。行六十里。過峒崕集。六十里。至宿遷縣。城外極樂庵宿。是晚。蒙

賜臣熙黃河魚一尾。

十九日。早詣

行宮門外。謝

賜魚恩。隨同啟奏展限回京事情。奉

旨。爾等說的是。俟前行。再有旨。候於門外。少頃。

駕出。蒙

恩垂問。臣熙爾身體全愈耶。臣熙謹奏。已全好。又蒙諭。此處隨從馬匹甚多。恐致擁擠。爾可暫於旁舍少避。俟衆行後再行。隨後行於黃河堤上。六十里。過古城。少憩。又六十里。至桃源縣北岸。地名重興集。擬宿。是日本到。赴

行宮門啟奏。候至一鼓奉

諭。一應內大臣侍衛等。明日該直者。在此住宿。隨行。餘一應官員人等。俱於今晚先赴清河過渡處先渡。

即到乘船處。先登舟候

駕。隨於二鼓月上時。從堤上行。七十里。四鼓抵清河縣。黎明。赴河岸候舟。日出。渡河到登舟處。上船。未時。駕到。在船頭立候。蒙

恩詢問。臣熙爾好麼。臣熙謹奏。極好。少刻即行。行四十里。晚過淮安府。是夜四鼓。過寶應縣。計程八十里。二十日。早行至界首。起於舟中。蒙

恩賜。臣熙酒一罈。又行一百二十里。至高郵。在舟前

立。時值

駕乘小舟過蒙

恩。垂問。臣熙爾全愈否。臣熙謹奏。已全愈。少頃。又遣親隨侍衛。

賜臣熙糖四包。法製陳皮一包。隨於舟前謝

恩訖。當晚行一百二十里。

二十一日。巳時。至揚州。蒙

上諭。臣熙同學士。臣孫在豐。江南總督。臣王新命。江

寧。巡撫。臣湯斌。共乘一小舟。隨行。前至觀音閣。

上登翫。移時。又至栖靈寺。平山堂。

上題怡情二字。又至張氏園亭。又至天寧寺。

上坐方丈。親洒

宸翰。蕭閒二字。臣熙等敬觀。瞻仰

天章。贊頌。莫罄。隨跪奏。臣熙蒙恩優渥。但從未蒙

賜御筆。不勝欣仰。企望之至。蒙

諭。回宮。時書賜。隨回本舟。當晚行七十里。

二十二日早。至儀真縣。是早。本到啟奏。候於御舟旁。少頃。拆回本。隨立於舟旁岸上。請

音。蒙

諭。不必跪奏。遂立承

旨。訖。回本舟。當時即行。十里。夜漏二刻。至江口。

二十三日早。在江口正行時。蒙

上遣親隨侍衛。賜臣熙御饌六器。隨於舟前謝

恩。訖。少刻。在江口登沙船出江。是日風恬浪靜。晚刻

東北風。少作。是夜三鼓。抵鎮江。未入口。在江邊泊住。

二十四日。

駕往金山。從容登陟。直造其巔。歸侍

上膳於山堂。蒙

恩。命同學士臣孫在豐。侍講學士臣高士奇。一處坐。

又蒙

特恩。撤

御前鋪地紅氈。

命給臣熙坐。感激殊恩。真為異數。蒙

賜臣熙御膳六器。少刻。奉

諭。內大臣諸侍衛及部院官員先回各舟。臣熙隨回本船。

上題金山江山一覽四字。是晚一夜行九十里。

二十五日黎明。過丹陽縣。是日風順。行九十里。午餘。過常州府。又行八十里。一鼓過無錫縣。行九十里。四

鼓抵蘓州許墅關。

二十六日早。由許墅關起行。二十五里。至蘇州閭門。登岸。步行入城。路逢營守備馬。乘之。至織造府。

駕未至。又赴糧道衙門。拙政園前。申時。

駕到。少頃。隨行。晚。仍至織造衙門。本到啟奏。候至二鼓。於旁舍。顧監生家宿。是日早。

上賜臣熙御饌六器。

二十七日早。赴

行宮門。啟奏祭明孝陵事。奉

旨依議。遂先出閤門舟中。擬祭文。因翰學臣孫在豐。奉旨准暫假歸省。

命同侍講學士臣高士奇撰祭文。是日晚。

駕登舟。路過虎丘。燈時一遊。隨即舟行。次日黎明。經無錫。

二十八日早。自無錫舟行。途經惠山。乘小舟隨駕。至惠泉。過臣熙舟旁。

頒賜臣熙朱橋二百餘枚。即

命侍講學士臣高士奇過船。同撰祭文。午餘撰畢。乘夜過常州府。將至丹陽縣。

二十九日辰時。至丹陽南關外。登岸陸行。五十里。至白兔。三十里。至禪巷。

上駐蹕。是晚。本到啟奏候。至二鼓。請

旨畢。遂先赴句容縣城內徐監生家宿。徐名士英字豈九

十一月初一日。由句容起行。五十里。至淳化驛。少憩。

五十里。至江寧。由通濟門入城。於大中橋西大街江

監生家宿。江名大成 晚赴

字聖集

行宮門啟奏。即回宿。

上駐蹕將軍衙門後衛公館。

初二日早。赴

行宮門候

駕。已刻蒙

賚臣熙緞帛三表裡。隨赴明太祖陵行禮。又入太平

門。隨赴觀象臺。登高頂亭。回至

行宮。謝

賜表裡恩。撰擬申飭地方官守護明陵

上諭。併撰謁陵行禮記注。三鼓回西華門橋下頭巷

內街西準提庵宿。是日自大中橋移寓

初三日早。赴

行宮啟奏。進撰擬

上諭記注。候至已刻。奉

旨行訖。午刻。

駕往教場演射。未隨行。回寓少憩。隨往聚寶門外報恩寺登塔。午飯未畢。本到隨馳赴行宮啟奏。候至晚奉旨訖。燈時歸寓。

初四日早。赴

行宮。候至午刻。

駕出從早西門登舟。赴燕子磯。遵

諭從陸路出德勝門十五里。出外郭觀音門。至燕子

磯。於上元庠生江家宿。江名是晚。

駕駐蹕江干御舟。

初五日早。登沙船渡江。一百里。晚入儀真江口。宿揚

州划子船。夜行七十里。黎明至揚州南十五里泊。

初六日早。本到。疾赴

御舟旁候。少頃。本出請

旨畢。回至本舟。是日行二十里。至揚州。

上從鈔關門登岸。入城。由小東門出城。登舟行。四十里。至邵伯泊舟宿。是夜微雨。

初七日早。自邵伯舟行。八十里。過高郵州。行六十里。二鼓。至界首宿。是日過減水壩。教次。過閘。教次。俱險甚。夜雨。

初八日早。自界首起行。八十里。五鼓。至淮安泊。是日陰晚。微雨。大風。水勢甚大。夜行頗有戒心。二鼓後。本到。奉旨。明早啟奏。

初九日早。赴

御舟啟奏。候至辰時。請

旨畢。蒙

賜臣熙御膳六器。傳

諭。卿年老。可將歸舟中食之。隨謝

恩。歸舟中。是日晴。行六十里。至清口宿。

初十日早。詣

御舟前候

駕日出。

上御舟往南岸看河工。隨回本船。辰時渡河。從清河縣起行。晚至重興集宿。

十一日五鼓。由重興集起行。五十里。至仰化集。小憩。五十里。至宿遷縣。是日本到。晚赴

行宮啟奏。蒙

賜臣熙魚二尾。隨謝

恩訖。候至更餘。入內請

旨畢。歸寓宿。

十二日早。自宿遷起行。六十里。至峒嵒集。小憩。六十里。至紅花鋪北口村。徐武生場院內。帳房宿。是日與留住人馬等相遇。家人亦到。

十三日早。自紅花鋪起行。五十里。過却城。三十里。至大鋪。少憩。五十里。至沙溝村住宿。是日本到。啟奏。候至更餘。請

旨畢。歸直帳。

十四日。自沙溝起行。三十里。過沂州。三十里。至沂堂村。三十里。至探沂村宿。

十五日早。自探沂村起行。七十里。至石井村。小憩。二十里。至荆步村野宿。是日到極早。

十六日。自荆步村起行。四十里。過費縣。五十里。過泉林寺遊賞。二里。至大市橋小憩。八里。至黃鶯河宿。

十七日。自黃鶯河起行。四十里。過泗水。六十里。至曲阜縣西關南野宿。是晚奉

諭。同學士臣孫在豐改講章。三鼓始歸直帳。

十八日早。隨

駕赴曲阜城內。

至聖廟中。致祭行禮。隨詣詩禮堂侍班。

上御座。孔氏二人講書訖。遂口宣訓戒

上諭。隨

駕遍閱廟中禮器古蹟。及歷代碑文。奉

諭。從官步行。隨赴孔林。

上奠酒行禮訖。周視孔林封樹畢。是日行三十里。至兗州府城外宿。

十九日。自兗州府起行。九十里。至汶上縣。少憩。十五里。至李家庄北野宿。是日。本到啟奏。候請。

旨畢。一鼓回直帳。

二十日。自李家庄起行。五十里。過東平州。四十里。至梁固店住宿。

二十一日。自梁固店起行。三十里。過東阿縣。六十里。

至教場舖。少憩。二十里。至荏平南二十里舖。野宿。是日共行一百一十里。

二十二日。自荏平二十里舖起行。二十里。過荏平縣。七十里。至高唐州。城南野宿。是晚。本到啟奏。候至一鼓請。

旨畢。歸直帳宿。是晚。留人馬帳房等項。一半後行。二十三日。三鼓。發帳房駝馬前行。候至黎明。

駕行。方自直帳起行。七十里。過恩縣。四十里。至德州。

南三十里鋪。少憩三十里。一更時至德州。於胡壻介
社糧道署中借宿。是日共行一百四十里。

二十四日三鼓。令帳房行李先行。候至黎明。
駕行。方自城中起行。三十里。過北劉智。

駕自後至。遂下與乘騎先行。二十里。過景州。三十里。
至漫河。小憩。二十里。過阜城縣。四十里。至富庄驛。馬
神廟中宿。是晚本到。啟奏候。至更餘。請

旨畢。方歸直帳。是日共行一百五十里。

二十五日。四鼓。自富庄驛起行。四十里。過獻縣。六十
里。過河間府南關。小憩。二十里。至徐家口東野宿。是
日行一百二十里。

二十六日。四鼓。自徐家口起行。三十里。過卧佛堂。二
十里。過李公堡。十五里。過姜村。小憩。十五里。至劉鎮
宿。是日行九十里。到宿處。少早。

二十七日早。本到啟奏候請

旨。蒙

諭。晚時請。

旨。隨在

行宮門候

駕出。自劉鎮起行。五十里。過苑家口。小憩。六十里。至

蔡家營住宿。晚請

旨畢。燈時回直寓。是日陰雲風沙。寒甚。共行一百一

十里。

二十八日自蔡家營起行。

駕抵南苑駐蹕。

二十九日黎明。

上回宮。

王文靖公集卷十四

受業

江都史申義
平原董思凝

校訂

記

恭勒

御書席寵堂記

康熙二十四年四月二十二日。親隨侍衛至內閣。傳

上諭。召大學士王熙入內候

旨。臣熙隨赴乾清門。侍衛近侍等三員捧

欽賜御書堂扁。宣

諭。臣熙曰。爾自

世祖皇帝時。供奉內廷。歷年已久。素行敬慎。去年扈
從南巡。面奏求朕御筆。今特為書席寵堂名。製扁頒
賜。臣跪聽

溫綸捧接

欽賜。歡忭感悚。隨奏稱。臣熙一介庸愚。仰荷

兩朝特恩。

世祖皇帝超擢學士。嗣值

皇上御極。屢加拔擢。歷任都御史尚書等官。後緣服
除候補。又荷

皇上隆恩。特命臣為大學士。伏念方今海宇昇平。恭
遇

皇上堯舜在御。為千萬世不易邁之

聖主。士人皆以得沾一命為幸。而臣論材竅下。蒙福

獨優。從來叨冒
天恩。出於望外。向見諸臣承
賜御書。臣從旁恭睹。

天章爛縵。贊美彌窮。私冀萬一恩頒。未敢遽行陳乞。
去年扈從行殿之次。復屢侍

皇上覽勝留題。輒敢跪奏懇求。隨奉

面諭。俟回宮時頒給。臣朝夕顙望。今蒙

聖慈。特賜堂名。親灑

宸翰。刻之於扁。併真本妙蹟。

賜與微臣。臣聞

命自天。感激歡欣。萬倍恒品。因念凡為臣者。但得

御筆之賜。即相傳為一時盛事。千古美談。而臣疊受
異恩。夔絕前代。從茲播諸天下。垂諸史冊。俾臣依藉
光華。榮名不朽。其為慶戴。更異尋常。蒙

諭念臣敦慎。臣竊度於此二字。猶不能盡。惟有祇奉
聖言。益自黽勉。以期終効犬馬。謹此奏謝。有頃。奉

旨。即於乾清門前行禮。臣謝
恩。回閣辦事畢。恭捧到寓。承以金彩雕龍。奉懸。臣聽
事中。率家人望

闕。再行叩謝。訖。竊念臣生逢景運。蚤立

聖朝。出入禁林。升躋臺閣。無地不瞻。依清切。無日不
沐浴恩光。去冬蒙

皇上憐臣衰老。假安車之便。隨從。逃行。今又蒙

皇上獎臣敬慎。垂雲漢之章。照臨茅棟。乃至特紆

睿思。肇錫嘉名。爰命國工。琢鏤珍木。寶文流絳。高懸
奎壁之輝。措法浮青。布濩雲霞之彩。亭上聳嶽體。
帝撰而苞孕三才。纍上聯珠。揆

天藻而焜煌九有。允矣措模盡善。剋燦古今。神采逼
真。增榮球璧。既而跪舒瑤紙。親覩龍文。現天巧於毫
端。森法象於意表。分容競美。異勢爭奇。自然入聖入
神。從來字書未有。時出一波一拂。亦非唐宋能窺。臣
喜越前觀。悟希懸解。欲以言辭贊頌。則口舌莫能宣。

欲以智力形容。則心思不及測。但覺日月輪相之上。法曜丕昭。巍乎乾坤覆載之間。斯文常旦。欽惟皇上天亶聰明。博綜道藝。弘施惠下。曲被纖微。墨雲融結。化工筆露。湛流膏澤。而臣何幸。家宅常居。卿裔之中。姓名俱列。星辰之表。朝趨夕拜。瞻就璇題。傳子及孫。綿延聖賞。真乃諸臣莫及。萬紀一逢。是以宣謝宮前。擊持道左。班聯慶羨。都士欣傳。共感

皇上深仁如天。厚澤如地。謂臣負質若此之微。被寵若此之大。臣雖內自省度。無所克堪。亦惟效葵藿之傾嚮。精誠幸駕。駘之尚能奔走。夙夜小心。力求報稱。庶可以附璿璣。昭回而不已。荷函蓋。發育以常新也。古者受君之賜。而對揚休命。必皆勒諸鼎彝。以垂永久。臣敬遵斯義。用黃綾玉軸。裝潢成卷。珍藏什襲。昭示子孫。俾世世無忘。上恩。勉圖報效。而又雙鈎刻諸琬琰。以公之天下。俾

咸得觀頌
宸章經緯化成之妙。寶奉為億萬載同文楷式云。

賜觀暢春園白蓮頌賞

御書恭紀

康熙三十三年六月。徂暑。恭遇暢春御園白蓮花盛開。臣熙等進對之次。奉

旨特許入觀。伏見寶樹琪花。繞蓬萊之仙苑。祥禽瑞草。環太液之恩波。競美爭妍。真圖難繪。賞心溢目。凡骨俱輕。屢紆折以遵塗。遂溯洄而汎水。香來遙岸。憶翠葉之田田。楫放中流。見清漣之泚泚。躍浪之嘉魚。

可數。牽風之苻帶偏長。中有澤芝。連洲互渚。天生秀
潔。素質嫣然。千葉重樓。歎為希有。繼蒙
飫賜。出自
天厨。味甘滑以會宜。森羅山海。器園宏而應節。刻畫
雲雷。飽嘗

御府之珍奇。不勝下情之屬厭。次荷璿光下照。瑤檢
前開。義畫精深。堯文輝煥。臣仰觀
睿藻。若鑿竅而覩虹蜺。拜受藏家。若竦身而登雲漢。

謹同諸臣叩頭謝

恩訖。恭惟

皇上道符堯舜。功懋禹湯。遊藝德國。怡情智水。詩書
敦好。接孔室之淵源。金碧弗施。啟堯堦之清素。臨池
之妙。包括晉唐。愛物之仁。洽於草木。民情歡悅。尊曰
靈臺。天貺貞符。產茲麗草。綠莖條達。勝彌澤之朱儀。
皓體澄鮮。掩仙壇之碧色。臣等登舟恭望。循溪流連。
見其倚蓋連房。叢攢翡翠。重英疊葉。紛布瓊瑤。汎明

彩於澄波。宜當曉月。播清芬於別浦。思拂薰風。俄而
弄影淪漪。映姿蒲藻。獨擅亭上之美。交輝灼灼之華。
蓋真有君子之風流。宜常被

聖人之顧盼者也。因念此花。植本槐江。敷榮翠水。生
於

帝圃。結是仙姿。高貴所居。塵凡難見。臣等幸承

主眷。得與國游。獲觀竒葩。燦雲霞而極目。欣同凡卉。
荷雨露以滋多。兼承九醞流膏。八珍適口。舉身潤澤。

遍體芬芳。味充厨蕙。蒲之涼。忘夏日炎蒸之暑。小臣
被寵。各慶殊遭。

聖主施恩。增加望外。憐其可教。

賜以法書。親灑宸章。運鳳鸞之妙勢。分紆

睿思。獎犬馬之微勞。榮光並日月常懸。神妙等化工

肖物。臣等跪舒鸞紙。拜受龍文。稠疊寵榮。祇受

若丘山之重。勉勤駑鈍。報稱無纖芥之微。惟感頌之
愚忱。後天地而無極。謹記。

丹徒王氏宗祠記

大江以南。丹徒縣距城三十里。有村名苦竹。吾家學

憲書年兄先世祠堂在焉。蓋自宋南渡時。兄之始祖

六一公。從徽州祁門。遷於茲土之東鄉。由學憲距初

遷時。已十有六世矣。宗祠之建。則自十五世。學憲之

伯銘忠公始。時維明崇禎之戊辰。創立為寢室者七。

為饗堂者三。為內門。為外門。外門之旁。為左右翼室

者七。堂構初立。旋因材用不給而止。迨本朝康熙辛

未。學憲自河南校士歸。始因其舊而增廓之。加以暨
茨。繚以垣墉。塗以丹雘。於寢室之側。增置廚庫之房
各二。以為治神饌。藏祭器之所。饗堂東西畔。增建分
祠者八。使族人之繼別者。得以展敬。所以嚴祀事。明
小宗也。堂下築月臺。周廣平敞。以為宗人將秩祀序
立之地。廟門之外。樹立石坊。則書其奕世之官階爵
里姓氏。以示觀美。其朝夕汛掃啟閉之職。擇恭勤謹
愿者司之。經始於辛未之孟冬。十月。訖工於次年之

季春三月。學憲率宗人萬指。皆齋明盛服。入奏明薦。
犧牲脂肥。酌齊潔清。我享我將。執事有恪。升降進退。
愾然僾然。若有見聞乎其容聲。觀者莫不肅然生敬。
以為古禮盡在茲矣。既竣事。徵余言以為之記。余聞
之。聖王立宗法。以聯族屬。定廟制。以別貴賤。於時禮
教修明。倫紀敦叙。被其澤者。水源木本之思。油然而發
於其心。而不容已。尊上親上之念。肫然結於衷。而不
可解。何其厚也。降至叔季。法湮制廢。仁人孝子。雖有

尊祖敬宗之心。而無所依據。以求合於古先聖王之禮。遂有廢而莫之敢舉者。不亦重可歎哉。乃銘忠公獨能倡率宗人。協力修舉。可謂特立豪傑之士矣。然而甫勤撲斲。輒以力詘中止。申酉之間。重經兵燹。村民皆鳥驚獸散。人之負主而去其鄉者多矣。豈復暇及修葺歲時。烝嘗之地哉。幸逢

聖朝龍興。學憲以名世間出之才。緣經術文章以進。菁莪撲棧之化。翔洽中州。積累祿賜所入。鳩工庀材。

繼成斯役。然自公丁亥籍奏。迴翔郡縣者四十餘年。始以治行尤異。擢秉文衡。迨秩滿考最。乃於過家展省之便。始克成之。蓋締造之難若此。若夫世德相承。含華未耀。歷宋元明。以至學憲。際遇盛時。然後發皇繼序。致身通顯。增休光於前人。其積累奕葉。又何其遠且久也。後之善繼述者。念祖宗樹德之厚。而茲祠肇成。載歷兩世。良不為易。尚其五續丕承。勿忘式穀。則庶幾其可以安先靈而無愧矣。余與學憲同舉南

宮。因敦兄弟之好。蓋篤實輝光。古君子也。嘗聞其言云。祠宇既成。將廣祭田。設鄉學。立義倉。以嘉惠族人者甚厚。因并記之。以為異日之券云。

廣濟寺戒壇記

城西廣濟寺。京師名刹也。舊址為西劉村寺。明景泰間。有耕地者。得石碑於土中。天順丙戌。山西僧普慧即其地。建為寺。太監廖屏以聞。賜額曰弘慈廣濟。此寺之緣起也。初為緇流習靜之所。晨鐘暮鼓。一瓶一鉢。二三法屬。自相傳授而已。我

皇清龍興。恒明大師主寺事。師戒行精嚴。福慧圓足。聞風皈嚮者。不可勝數。始改為律院。延請玉光老人。

入主方丈。陞座說戒。條理井然。一歲三期。凡十三載。聽受者恒數千人。順治十三年。

世祖章皇帝車駕至寺。召見老人。深加歎異。自是王公大人。接踵頂禮。寺名益著。恒明始造大藏經閣。五楹。貯藏經於上。屢延尊宿。宣揚戒律。如萬中。德光。道光。復初。皆人中龍象。有功茲寺者也。暨天孚和尚。益加開拓。樓臺殿宇。金碧煥然。規矩莊嚴。威儀整肅。遂為京師伽藍之冠。天孚故名家子。入寺時。年僅十三。

恒明知為法器。深加愛重。性敏慧。嘗讀法華經。有省。遂徧遊東南。窮歷名勝。最後至鎮江鶴林寺。遇天樹植和尚。機鋒契合。因受法焉。未幾。都門檀護。啟請還山。恭遇我

皇上至聖至仁。為人天宗主。萬幾之暇。留心禪悅。雅聞廣濟寺戒律精嚴。

屢賜臨幸。天孚奏對稱

旨。聖心嘉悅。

御製廣濟寺碑文以賜。

親書寺額。懸之山門。

歷賜御書金剛經八部。藥師經十卷。十八羅漢讚十首。臨米芾觀音讚一首。

東宮賜文徵明所扶杖一枝。天孚自念遭際

聖明。疊膺

榮遇。惟有闡揚佛教。以祝讚

皇圖。既建大悲壇。復慨然曰。寺以律名。律因戒。入歲

為衆生說戒。而戒壇未立。猶闕典也。爰詳考大藏戒壇。宜在寺之東隅。為善神護持之地。壇凡三層。週圍遮以欄楯。皆白玉石鑿成。雲湧獸攢。過於繪畫。上供阿育王塔一座。塔中貯舍利子一顆。壇成。

皇上親書持梵律三字以賜。每逢說戒之日。雲水畢至。緇素環列。祥光擁護。香氣氤氳。恍如諸天。森羅左右。見者咸讚歎。不可思議云。余惟都城說戒之地。北則廣濟。南則愍忠。所設戒壇。皆架木為之。規制未備。

且方位失宜。不合大藏。若天孚之考據精確。締造嚴整。不獨天龍八部。恒為護持。於以衍佛法於可久。祝聖壽之無疆。其功偉矣。余歲一再至其地。天孚求記於余。余嘉其所興建。深有合於佛法。而能為我國家宣揚教化也。遂欣然為之記。

王文靖公集卷十五

受業

邵陽范光宗

校訂

高淳王傑

啟
文貞公奉祀鄉賢請府尹啟

鄉祠重德。雅隆勸善之規。憲府旌賢。光舉彰幽之典。映粉榆而煥彩。燭泉路以生春。寵賁前人。感深後嗣。

恭惟某官三韓毓秀。五緯儲精。璫璣名貴。金甌。昂昂
祥徵玉燕。鳴琴堂上。曦光暖。鳧戲之花。簪華殿中。霜
雪冷。烏棲之樹。對揚青瑣。登坐赤車。旋掌奏於銀臺。
次僉書於烏府。昔年之輪跡。重得網恢。此地之枹聲。
俄聞啟息。卿士月移京兆。閭閻日近長安。治狀馨香。
諒鬼神之可格。教條清肅。進禮樂以從先。緬彼六功。
祀皆百世。由周而上。登堂則享於大烝。自漢以還。立

廟。或萋夫小德。至下車而酌徐孺之墓。每觀原而興
武子之思。無非旌表英賢。借是轉移風俗。何期符竹
亦被松楸。憶

世皇龍御之年。正英俊雲從之會。公祖方橫床北寺。
先人亦曳履南宮。豹尾聯班。理神羊之丰采。鳳輝攬
德。隨振鷺以趨蹌。凡在朝守官立政之方。暨居家約
己持身之素。事無大小。鑒悉纖微。今日耳目忽逢。當

前聞見如昔。謂諸生之奏記。大愜輿情。出獨斷之妙
裁。允行懿典。莞筵彤几。問禮器於淳初。綠字赤文。垂
姓名於奕世。膠庠側位。元正賢聖相承。登豆旁緣。采
采蘋蘩可薦。其讀書未忍。慟手澤之空留。續緒雖勤。
恨心追之靡及。徒爾悽愴秋露。無以報答春暉。不意
寸草能酬。賴此尺書。忽下。合公私而交愜。無介紹以
相先。一門存正。百世銘佩。茲者祝宗相禮。詹尹卜期。

日先甲而用柔。月臨終而幾望。倚大夫為光重。實緣
政以人存。仰君子之儀竊。謂禮猶賢出。伏願采茹葑
菲。觀薦藻芹。親炙尼山。父子荷孔顏之陶鑄。并歌泮
水。師儒接張趙之禪光。非大德孰可表微。惟至仁為
能錫類。計三輔風聲丕樹。自十倫秩典攸行。此日玉臨。
展部下子民之拜。異時環報。稱堂中賓主之觴。

請府丞啟

先德克彰。晉列膠庠之位。弘儀肇舉。蔚為庶社之光。
儼直道其猶存。茲令行而益勸。九原可作。敢言隨武。
堪從。三里待祠。益致蕭何不朽。動由公議。感切私衷。
恭惟某官。道德萃於一身。上下風乎百世。名高北極。
英華飛牛斗之芒。家世南徐。文字得江山之助。冠漢
科而射策。掌唐制以代言。爰自蘭墀。游升梧掖。
上心允當。樂聞其高遠。獨見之敷陳。衆志僉同。信服

其直諒敢為之節槩。在垣省。則風雷交益。治輦轂。使山岳爭搖。當身甫下車。即念采芹無地。憶書曾止輦。特為削草回天。非賴兄文兄武之才。曷起美與美輪之頌。聖賢增重。師儒惠徼。夫波餘。術序改觀。俎豆榮承於意外。伏念先君子。五經同異。研窮遠歷多年。三禮洽和。寵遇疊逢。晚歲勤問學而不倦。堅清白以自怡。生平內視。歆然。蓋緣天性。友朋共推卓爾。相許人豪。楓宸賜謚以飾終。粉社虛龕而待配。然松楸茂

矣。漸成中柱之才。而蘋藻闕如。尚乏在宮之薦。五載衆心紆鬱。一倡多士翕然。援舊典以陳詞。值名賢之在事。謂臭蘭漸香。德舉而懿範如存。雖拔薤無聞。神聽則遺音何遠。順輿情而旌往。俾從祀以風來。妥奉有嚴。真不異桓譚之廟。褒題無愧。或庶幾郭泰之碑。某等遭遇良時。慕懷先烈。何以善能繼述。若為仰答恩私。牲設於庭。羹設於房。明享而幽將來格。愾然有聞。悛然有見。喜極而悲。忽旋生。今者日月之除。方過

重九。合乎天地之數。正滿十三。占龜筮以拜迎。候鸞
鳴之戾止。輝煌道路。里閭夾冠蓋以歡呼。顛望橋門。
子弟偕父兄而舞。伏願畫輪寵賁。玉趾惠來。鐘鼓
鏗誰。禮樂秉斯文之主。几筵清肅。鬼神欣令德之依。
銘心永好瓊瑤。刻骨深鐫金石。希望之切。無踰此時。
酬獻之私。尚圖異日。

請治中啟

蘭譜締交。兩世誼敦。手鳧藻。芹宮必祀。十倫寵藉。夫
龍光。擁篲思前。懇緹油之式賁。奏箋恐後。託毫素以
相先。顛望方殷。禱祈倍切。恭惟某官。本七名家之學。
英。瑞國之才。佩帶虔刀。闕闕繼韋平而嗣起。興題
景字。聲光聯張趙以俱飛。舒江楚壁連城。京兆燕棠千
樹。瓊基累秀。躡星辰於跬步之間。玉篆升華。灑雨露
於神臯之下。出其餘緒。為方州師表。何難。既有宏才。

即臺閣攀登甚通。佇看鴻舉。趣上雲達。某治仰扮揄。
交聯喬梓。憶司寇奏名過省。同先人解褐升朝。班聯
若鷓鷯交飛。倡和亦塤箎迭奏。善敬交之可久。勉仁
輔以相成。當時撰杖鯉庭。曾目覩雲龍之好。不幸乘
箕鶴化。忽身丁風木之悲。乃馬鬣封丘。歲月棲神甚
久。而鱣堂几案。春秋致享猶虛。豈期此日明禋。又荷
故人襄贊。感今雪涕。覺屏星生泰谷之春。撫舊驚心。
疑卿月迴草堂之照。茲者蟾飛臨戍。九屆晚秋。龜卜
當辛。三占中浣。寫魚書而奏記。希驂駕以賁臨。承弓
冶之相同。諒履簪之不棄。旂鸞符噦。喜深泮水親侯。
筆鳳離披。愧乏眉山頌賈。良多忤舞。莫罄銘鐫。另卜
嘉辰。別申觴叙。

請宛平縣啟

仁聲花縣。郊原將馴雉之雛。禮舉芹宮。庠序接飛鳧
之駕。來滋雨露。望切雲霓。恭惟某官道韻經時。素風
照物。妙於慈惠。吏可謂之循良。擢以言功。侯不由於
恩澤。烹小鮮而書最。遷大縣以觀能。齊地泉絲。昔饒
平沃。燕郊棗栗。今富神臯。張麥兩岐。與翼連阡之上。
召棠千樹。扶疎分陝之東。蓋畿甸雖雄。得南國一夔
已足。乃士民何幸。遇西山兩度重來。採人望而綴華

班。會見名高青瑣。聽衢謠而知善政。已聞譽滿黃圖。
其尺五依天。匪城南之大族。魁三近斗。仰淮北之神
君。雖偃室未及呈身。而宓琴每能傾耳。觀仁義子既
效。意禮樂其方興。綠粉榆求配社之賢。俾芹藻進榮
先之薦。膠庠設位。思由麟玉行符。姓氏登筵。寵徽鸞
旂在廟。茲者月臨中浣。卜三日以定儀。星聚上庠。候
二天之命駕。虔草蕪箋上達。敬希芝蓋過飛。匪獨鬼
神惟盛德是馨。抑且典禮藉名賢而重。鴻飛達路。瞻

言事在崇朝。鵠立橋門。莫令歌興來暮。企咏易盡。頌
述難周。嗣卜嘉辰。別申燕禮。

答閻梅公婚啟

金蘭共講。交情又重於盍簪。松葛敦盟。世好更聯於種玉。儼鸞箋之惠教。欣同白璧之投。托鴈字以抒懷。敬等赤繩之繫。百年已定。詎曰人謀。兩姓克諧。寔惟天合。臨緘色喜。捧牘心馳。恭惟某官。袞舄華宗。蓬瀛仙侶。間氣數千載。肇麟紱以徵奇。名世五百年。應龍圖而翊運。藻思泉湧。拾藝圃之瑤璣。德罷淵涵。釀玉壺之沆瀣。自英年而登粉署。盤錯屢更。迨壯歲而尹

黃圖保釐獨茂。升華卿月。翱翔禁近之間。振采臺端。表率臣僚之上。握麟符於中土。名重兩河。開玉帳於遐荒。威行萬里。嘉猷入告。屢邀當宁之知。朱紱方來。行荷自天之祐。熙竊慚擢賢。久忝綸扉。幸從縞紵之交。得遂葭莩之好。儀型華閥。知鍾却之教。原有自來。翹跂通門。慮齊鄭之昏。或非其偶。乃荷瑤華之賁。特勤葑菲之求。惟卽君瑤環秀品。慧早辨於揚鳥。而弱息管蒯微資。才未同乎謝韞。猥蒙俯采。敢不仰承。

伏願松栢同心。芝蘭式好。女有家。男有室。各惟父母之懷。筮從卜。龜從占。共慶天人。之合。一言既遂。蚤於折花騎竹之年。六禮相符。姑待捧鴈乘龍之日。庸因魚素。敬佈蟻忱。伏冀台慈。俯垂涵照。

又啟

某官山斗高標。圭璋重望。交游自昔。既彼此之共知。肺腑相依。復往來之無間。猥承嘉問。載訂姻盟。竊媿單門。重承隆眷。豈繫百年之好。實惟兩姓之光。聞命欣從。報章恐後。惟是佳兒佳婦。尚在髫齡。而天北天南。相距萬里。祇慮儀文之繁縟。重勞行李之往來。仰惟榮擢。竊計非遥。所冀隆施。無妨畧緩。此在君子道義之素孚。而亦姍親肝鬲所通諒者也。敬因旋羽。肅

附報章。伏冀鴻慈。俯垂涵照。

答顧太翁啟

玉種藍田之好。允繫夙緣。繩牽繡幙之絲。信繇天命。
喜慰附蘿之願。行邀御李之榮。捧誦華函。虔申報牘。
恭惟某官於越名家。武陵世胄。襟期高邁。軒上天半朱
霞。才致軒昂。皎々雲中白鶴。早歲折蟾宮之桂。名重
金臺。丁年栽赤縣之花。聲騰丹陛。抽簪歸里。陶淵明
松菊猶存。拂袖還山。張仲蔚蓬蒿未改。兩峯杖履。儼
若神仙。三竺烟霞。望同霄漢。洎令嗣親家。接武燕山。

蜚聲翰苑。玉堂視草。文章駕班馬而前。金殿談經。議
論軼歐韓以上。升華端尹。地近三台。表率宮寮。先生
八座。猥以後先之誼。獲申肺腑之驩。讓德時承。溫言
屢接。緬念傳經有自。允惟式教之微。預知世德相承。
定卜詒謀之美。敬從柯語。仰踐冰盟。自顧年華冉冉。
笑得女之非男。仰惟頭角英英。羨有孫之似祖。挹芝
蘭於桑梓。舊交在群紀之間。附松柏以萬蘿。新好繼
潘楊之後。願以乞身未遂。覲面猶遲。遠承厚意。先存。

瑤箋寵賁。開函鄭重。霏珠玉行間。展翰低徊。璨
烟雲字裏。敬因公郎扈蹕之餘。竊附猶子登堂之誼。
虔修魚牘。上候鴻禧。伏願菲祿方長。純麻孔固。介以
眉壽。德星常照人間。宜其子孫。福履永綿。奕世仰惟
丙照。曷既寅瞻。

雜著

擬漢講議五經同異詔

蓋聞道惟上制。述聖允昌。興在庶民。反經則起。煌煌
典訓。孰闡明之。渺予一人。大責攸屬。乃指靡依。歸意
義罔昭。道本弗明。行焉鮮效。諸卿大夫。號曰翊贊。坐
視汶閣。儒術云何。漢承弊秦。褒顯聖業。建立五經。為
置博士。士多精進。各執芻家。學雖務博。而要先一貫。
章句多蔓。訓行烏由。其令諸儒。深心研攷。舍其支離。

聖言簡與。俾切中庸。畫一茲崇。永久是賴。於戲。勉之。

晉謝安論

語東晉之事者。每以王茂弘謝安石並稱。夫茂弘雅度。有踰安石。而安石之才識。則過茂弘遠甚。吾於却敵定變之奇。見其才。於其出處進退。斷然而適合時宜者。徵其識。奚以明其然也。夫東晉之勢。如人之積弱而不能自振也。又笑。凌遲至於穆哀之際。豈唯不能自振。更復有腹心之疾深中之。此而思有以急已其疾。則立斃。不思有以已其疾。而徐以聽焉。而疾且

橫發而不能自止。則亦同歸於斃。有道於此。不必其疾之頓已。寬和不迫。使疾稍緩而不發。俟吾元氣漸回。庶有已其疾。而因以自強之勢。此安石之用心。為能獨見其大也。彼穆哀之際。所謂腹心之疾者。非桓溫乎。夫溫。東南之人傑也。當時無溫。符健慕容儁。幾何而不思飲馬大江。投鞭沔濟乎。故溫之跋扈。足以為患於腹心。而溫之雄才智計。亦足警服四方。而自保其榮衛。為晉計者。惟有用溫而安晉。而徐以制溫。

斯孱弱之餘。賴以維持不替。然而難言之也。用溫而因以制溫。自非密與溫相結。而深與溫相知。洞其規畫。而窮悉其意計之所在。輕為舉動。一蹶不支。非反為溫用。即亦終為溫制也。此殷深源所以屢劔。廢黜而身名俱喪也。安石思之。又熟思之。故屢辟不就。溫辟之則就。即其就庾冰之辟也。踰月告歸。而為溫之司馬也。則遲久而始去。蓋熟悉溫之為人。與其舉措之先後。才分之短長。股肱心膂之倚賴。後可一聽溫

之飛揚。鷺鷥而已。玩弄之於股掌之上也。他不具論。新亭之會。中外震驚。謂將移晉室。智如坦之。已倒執手板。安石獨從容就席。笑語移時。而溫乃為之意折。是何也。蓋有以審定於平時。故譚言微中。為能動之於無形。而出之以整暇也。桓溫既沒。朝野又安。腹心之疾。遂已盡去。優游十餘年間。國家之元氣亦已漸復。淝水告捷。大勳克集。而晉乃駸乎已有自強之勢。抑知出處進退。其邁會而乘時者。固已徘徊審

顧。不啻至再而至三也哉。議者猶謂矯情鎮物。微倖成功。亦何其不知量與。夫安石之始志。有為。年已四十餘。或咎其為之不蚤。夫聖人能不失時。不能違時。使安石而蚤為之。雖不至敗壞如深源。其無所成就則一也。向令桓溫破蜀。振旅江陵。遂以兼秦并燕。威震天下。則劉裕之事。寧待再傳而見。惟是枋頭奔敗。望實兼損。雖却超進之。以非常之謀。而人心雖沮。無可復為。安石仍從容起而定之。惟其時也。故吾謂安

石之成功。不於其才。於其識也。司馬徽曰。識時務者。在於俊傑。安石之謂與。

甲子冬扈

駕恭祀闕里。從幸孔林。擬進連珠體二十五首。

臣聞樂陳韶夏。則珍羽來儀。曲奏雲和。則靈祇是享。是以鐘鏞在列。豈乏官架之懸。佾舞有衣。更携辟雍之掌。時携太學樂舞生袍服。至曲阜演習。

臣聞帷宮曉設。法駕儼其乘龍。帳殿宵張。侯封潔其膳。擯。是以雲旂蒞止。森象笏於靈苗。王勃碑云。殿繡

袞恭迎。薦桓圭於華轂。

臣聞學歸有本。故泉之進必盈科。道貴日強。故川之
洩無停注。是以臨流興歎。觸逝者之靈機。駐蹕怡情。
述水哉於

巨製。

泉林寺即予在川上處
上駐蹕良久有御製記

臣聞循舊典者不能創千秋之舉。挾驕情者不能屈
萬乘之尊。是以樂備三終。或間書於前史。禮虔九叩。

則迴軼於常倫。

行三跪九叩禮
從前帝王所無

臣聞汪波浴月。溯流必討其原。喬木參天。蟠根乃著。

其葉惟闕里之嶽降。繫防山之發祥。是以大成秘殿。
方瞻流袞之垂。啟聖靈祠。即致崇盛之潔。

臣聞金華賜講。班伯宣論語之微。崇政說書。程頤闡
庖犧之奧。是以堂開詩禮。俾苗裔以橫經。席啟金絲。
進章縫而論道。

臣聞聖道緝熙。樹法程於累葉。儒門守禮。傳典訓於
先人。是以萃五氏之衣冠。期祇遵於無斁。揭片言於

霄漢。凜

勅諭之維勤。金絲堂講大學繫辭首章命大學士諭孔氏子弟遵守祖訓

臣聞丹素陸離。光映文翁之壁。元司居教孔子像記曰漢文翁立學成都

設孔子坐像及七十子繪兩旁羨墻恍惚。文鑄李挺之碑。魏興和二

史李挺塑像并樹碑是以覲行教之儀容。如親縹筆。揭依神之

帳幙。儼拂緇帷。殿中石刻行教小像係子貢手繪吳道子所摹

臣聞日月之光。非卿雲不能黼黻。乾坤之大。惟天漢

可以昭回。是以師表萬年。共仰銀鈎之燦。棣題教

仗。永懸金榜之巍。

臣聞金袱銀爐。詎煥宮墻之彩。緋羅香藥。寧增寢廟

之輝。宋真宗祥符元年賜金是以撤華蓋之九旂。上

特留曲蓋於廟中紫霧籠於夕殿。耀中央之正色。言黃蓋也。彤精

貫於朝扉。

臣聞杏匝莊壇。端木從游之地。檜盤羲畫。尼宣手植

之株。是以柯拂紅雲。晃翠綃而駐輦。膏流鐵樹。籠綵

伏以停輿。

臣聞茫茫蚪蚪。沒漢氏之丹碑。翳萑苕。蔽唐家之

綠字。是以一經

睿賞。則舊蹟重光。屢奉

宸咨。則流傳勿替。

臣聞星輝東壁。掌祕室之書林。玉積西崑。燦仙曹之

冊府。是以刪詩定禮。彙複辟之遺經。視典披圖。閱奎

文而考古。

臣聞漆書竹簡。開禮圖之荒塗。石墨路藤。作藝林之

鴻寶。是以八絃頓網。曹植與楊德祖書

標籤帙以駢

羅。五位崇文。啟縹緗而幽討。

臣聞鯉述二經。行咏歌揖讓之事。鮒藏六籍。奏絲簧

琴瑟之音。是以遺井汲流。激清風於俯眺。故居展席。

緬函丈而披襟。

臣聞逐鹿開基。茂觀擣文於漢帝。傷麟致歎。僅傳揆

漆於唐宗。是以道冠昔王。黼藻兩楹之豆。德侔上聖。

鋪張萬仞之墻。御製詩有兩楹陳俎

臣聞泗源蕩。環聖域以揚波。竒木蒼。拱佳城而

送翠。是以鑿輿展謁。前驅奔走於八神。仙蹕遙臨。俞騎喧闐於七萃。

臣聞林瑩百尺。常披異彩之花。基有文章花葉。蓓蕾皆五色。磴道

千盤。不長鈎衣之草。是以九重肅拜。天香襲於袞衣。

百職陪班。瑞靄凝於繡祿。

臣聞文楷千章。聳危枝而偃蓋。靈著萬本。符大易而

占爻。是以

御手摩挲。則勁節垂於奕禩。

宸游徙倚。斯祥煙貫於層霄。

臣聞摘雉鈎河。覲姬公於夢寐。典禮立樂。弘聖相之

經綸。是以碑版勒文。垂萬古不刊之訓。世官承祀。沛

千秋未有之恩。以周公後人東野沛然迎駕於曲阜遂命為博士

臣聞緇流沐寵。嗤別派於蕭梁。羽士邀榮。誤他鑣於

元魏。李義山詩他鑣並老莊是以洪緒拜重裘之賜。王勃碑云宋徵子之

洪緒今以臨幸五氏子孫皆被恩賜而衍爰思道脉

聖公尤加厚焉。有狐掖蟒黑貂掛之錫。是年曲阜糧銀俱奉免

綿長。繡圻揭一歲之租。益表儒門沾被。

臣聞青女霜寒。不改貞柯之色。絳帷風暖。益垂寶娶之芒。是以

御墨淋漓。表松筠之節操。

宸章刻畫。懸棹楔以輝煌。賜孔毓圻祖母陶氏坊額

臣聞柳下墳塋。尚厲採樵之禁。信陵墓域。猶虔奉祀

之司。是以卒史百人。漢魯相請置百戶卒史一人載史晨百戶碑被簪纓

而汎掃。今奉命林廟百戶亦兵部除授佳城十頃。掩骸骼以恢基。

臣聞義峯挿漢。森象緯於奎章。詞海盪雲。迅波瀾於

寶翰。是以觀舞鳳。蟠龍之

聖蹟。不復尊元帝之書。讀敲金戛玉之

睿文。咸欲陋真宗之贊。

臣聞岱宗特峻。挈聖德以斯卑。離象允光。分帝圖之

末照。是以穹碑巨刻。擗千古之大文。景運元符。赫萬

年之至教。

王文靖公集卷十六

受業

龍西宋朝楠

炯校訂

聖雜著

顏子贊

聖謂庶幾。道成默識。盎然春融。不見方域。和風慶雲。弘覆靡極。得善服膺。萬世之則。

曾子贊

始之以孝。厚之以信。勇往萬人。辟立千仞。聞呼而唯。兩時雷震。一貫忠恕。妙契心印。

子思贊

皇天命。萬化所根。作為中庸。窮其本源。弘以剛毅。聖道益尊。斯文在茲。繩武之孫。

孟子贊

泰山巖。氣象高大。聖道宣明。百家澄汰。知言養氣。性體妙會。廓清之功。後世永賴。

閔子贊

天經地義。無加於孝。卓哉子騫。克家成教。蒸之之行。閔之貌。揚芬惠後。景迹則倣。

冉子伯牛贊

孔門四科。德行第一。惟賢具體。宏聲茂實。視履考祥。其占元吉。莫致之命。嬰此疾疾。

冉子仲弓贊

成性淳篤。尚德寡言。主敬行恕。仁道合坤。施於有政。

執要不煩。流風來茲。儼然若存。

宰子我贊

智足知聖。言必近道。五德研精。鬼神窮奧。善學善問。賢者允蹈。洙泗從遊。致此深造。

子貢贊

性道文章。妙契深旨。聞一知二。瑚璉比美。善為說辭。切事中理。俎豆澤宮。流馨芹水。

冉子求贊

從政之良。臨事多藝。恭則近禮。勤則有繼。志在足民。弘以心計。作哲聖門。垂休奕世。

子路贊

仲子高明。有力如虎。才可治賦。為聖禦侮。忠信服物。無盟而許。義理克全。升堂接武。

子游贊

猗與叔氏。禮樂之英。敏于學道。先慮有成。得人善俗。絃歌聞聲。聖心欣之。感其和平。

子夏贊

篤信謹嚴。親師至聖。上交下接。送迎必敬。文學炳蔚。風雅宗鏡。一言起予。千載輝映。

子張贊

託業弘大。志求高遠。聖誘循上。聞而知返。書言於紳。拳誠悃。不伐不獎。行成務本。

李坦園先生行樂贊

相國坦園先生。以耆德元臣。佐致上理。蓋二十六年於茲。黼黻太平之暇。命工繪紉松文石。而貌公執卷坐其間。一童抱琴。及一鶴侍焉。尺素中而天地四時之氣皆備。觀者如尋仙入洞天。忘其為畫也。余以粉榆晚進。自入史館。及侍講幄。皆追隨公後。迄今二紀餘。又蒙恩得隨公陪闈。邦論景慕。鴻儀駿業。思歌咏者甚久。今也捧圖申頌。不獨喜述曩意。兼慶余之遭。

逢盛世。得與有榮名。福祿者。皆以從公也。贊曰。盛德之身。太和所聚。章采帝象。金玉王度。手把義圖。道契猶龍。誰歟同遊。黃石赤松。有童秀頰。携琴待奏。子鶴和之。聲施宇宙。化工之妙。寫以丹青。我為此贊。聲鐘愧達。

三烈贊

一門三烈者。總戎鄭君僑柱之祖母石氏。母王氏。與幼妹而三。同死於流賊之難者也。癸未冬。賊圍甘州。石氏預戒家人。積薪於庭。既聞變。王氏左手扶姑。右手携女以入。趣縱火。火發。俱燼。死之日。石氏年六十九。王氏年四十。妹年甫十一。未字。嗚呼。烈矣。光祿濟南趙君。既為之傳。余師萊陽宋先生。從而記之。大約感憤於明之將亡。士大夫不能伏節死義。而慷慨從

容乃出於婦人女子。然先文貞公嘗具疏請卹明朝
殉難諸臣。自吳橋相公而下。凡二十餘人。皆當予謚。
而窮邊委巷。有未及知者。宜博諮以備採擇。夫微顯
闡幽。表揚節烈。以風天下而傳後世。固君子之責也。
余讀兩先生傳記。因系之以贊曰。

有明之末。歲當癸未。賊賊陸梁。中原鼎沸。秦關百二。
望風奔潰。獨有張掖。堅守靡貳。外援路絕。孤城莫支。
居民巷戰。血流成池。偉哉榮陽。婦姑相携。成仁取義。

蹈死如飴。積薪中庭。慮周計決。火始炎。曾不中休。
季女垂髻。泛舟而入。較彼伯姬。於今為烈。乾坤正氣。
乃在閨闈。宜載惇史。表厥音徽。居延浩。祁連巍。
山高水長。萬古光輝。

恭跋

諭祭吏部尚書吳達禮碑刻

欽惟

聖朝恤下之典。凡大臣身後蒙被恩澤。賜有祭墓者。皆宗伯按故事上請。惟遣諭祭之辭。則進撰於詞林。侍從之臣。而出之以。王言。所以褒美勤勞。榮施幽壤者甚厚。其子孫感上異恩。皆書以副墨。勒之貞珉。一以侈。

上賜。一以昭先德。蓋將永思忠孝於不忘也。故予告
吏部尚書臣吳達禮。既蒙
恩賜祭墓。其子恭領臣某。將奉所得
天章。睿藻刻石於墓道。以垂不朽。而屬臣熙紀其事。
臣聞之。朝廷設六卿。建立長貳。雖分職不同。要以熙
帝載而亮天功。非才德優於爾位者。莫能勝任愉快。
至於歷掌政治。皆宜所在無施不可。則其蘊抱全備。
又兼才德之衆美。而時出之。號稱尤難。馬。惟時逢景

運肇開。名世應期。而出其人。庶足當之。觀其風雲既
際。委寄日隆。駁歷各曹。書勲皆最。荷非常之遇。流無
窮之聞。猗歟休哉。為古今所同慕也。冢臣年未弱冠。
即受知於

太宗文皇帝。擢任學士。陪侍論思。從
世祖章皇帝入闕。定昂。年勞既久。恩遇有加。五年。課
績異等。轉工刑二部。啟心卽秩。視中台之貳。尋授為
兵部督捕左侍郎。十八年。暫掌銀臺。旋晉少宰。俄而

引疾乞休。恭遇我

皇上求舊咨賢。起佐司寇。歷陞工禮吏三部尚書。鳩
工貞度。祥刑來章。夙夜寅清。澄序允當。生平被受
三朝隆遇。六卿之席。踐登其五。名德隆重。莫與同焉。
迨功成身退。樂志丘園。逸老之情。既殷。飾終之典。孔
厚生榮。死哀又。何其盛也。若夫生平閨門雍穆。令妻
偕老。諸子以才能。紆青鳴玉。貴女以令淑。作配王家。
斯不獨見冢臣忠勤積慶。衍澤弘長。亦足見上天純

佑國家。其敦龐之氣。凝固翔流。旁及於世。臣大姓
者如此。而

聖朝所以惠下酬庸。德意至為優渥。為臣子者。必何
如而後可以仰答隆恩也哉。於戲。凡為冢臣之子。若
孫者。歲時享祀。立醴。觀此貞石所書。雲漢昭回。感
皇恩之旁沛。則思所以報効。念祖父之融顯。則思所
以續承。詩不云乎。肇敏戎功。用錫爾祉。尚其永念之
哉。臣向承之。冬官與冢臣同蒙

聖恩委任。因莊誦
綸音之次。思賢感舊。并書其閱閱勞績。累受
天慈眷注之厚者。以風勵其家人。并為臣子昭垂無
極焉。

題楊忠愍公詩卷

此忠愍集中贈梅軒號詩也。玩其詞旨。似在定交之
初。然集中又有次梅軒韻絕句云。年來不見青松友。
獨喜晴梅相映紅。則其投分之厚。有久而益敬者。至
梅軒公之交情直節。當官守而不撓。臨患難而益見
其載。東吳錢蕙山先生跋語中。蓋有古人之風焉。忠
愍既以直諫名天下。其一書一詠。藝林爭相寶重。比
於鄭笏范誥。康熙丁卯。梅軒公之孫賜告成都太守。

渭公。以大耄之年。不遠千里。持此卷走京師。索題。猶
憶丙辰之歲。先文貞公為公書疏草卷後。余時侍筆
旁。觀見忠義之氣。淳鬱紙上。迄今更歷一紀。忽觀茲
卷。則已不勝風木之悲。而又歎服太守顯揚先德之
思。老而彌篤。為可敬也。太守之祖梅軒公。既與忠愍
為金石交。而先文貞公。又與忠愍曾孫念子先生。同
舉於鄉號。同門生。是吾兩家皆屬異姓子孫之列。所
以勉自淬勵。以光大前人之緒者。當以公之手澤為

羨。其體法固不足論也。

跋馬又輝家藏米元章真蹟

宋思陵謂米元章妙得晉人筆意。兼以臨摹入聖。能取姿態於結構之外。今觀此幅。神采駿發。而古意蒼遠。墨光黯然。灑鬱紙上。其為數百年物無疑也。元章自得右軍破羌諸帖。與顧愷之所畫維摩天女。因以寶晉名齋。今羲筆尚留人間。而顧繪永絕。書與畫固自不同也。是時閣帖方為世所珍重。而茲帖凡閣帖中有者。皆不收。古人特立獨行。其槩如此。當湖孝廉

馬君又揮博雅君子也。其實藏不啻拱壁。乙丑春日。携以見示。為敬識數語而歸之。

跋王康侯去思圖

韓魏公作畫錦堂於相州。歐陽文忠為之記曰。高牙

大纛。不足為公榮。桓圭衮冕。不足為公貴。惟澤被生民。功施社稷。此公之志。而天下之屬望於公者。千載而下。以為知言。家司寇制閩閩中。威惠大行。既膺內召。閩人若失慈母。去之日。擁道遮留。馬不能前。閩之能繪事者。復為圖以贈。自籲晉至建祠。首尾十幅。中間山川人物。歷歷可數。騶從輿衛。赫奕於道。黃童白

曳奔走恐後。余因是知公之功德。及於閩人者深。而閩人戴公之功德。久而不忘也。今公方奉命保釐東都。為政悉如閩時。清靜寧壹。東都安之。如文忠所云澤被生民。功施社稷。正未有艾也。余見閩人。每道公治行。亶亶不倦。至今過公祠者。瞻眺揅捫。摩娑碑碣。多徘徊不能去。召伯之棠。峴山之碑。雖時異代殊。其致一也。後之觀者。庶幾有所興起云。

跋許克衢集王右軍書孝經石刻

康熙辛未之夏。雲間許鶴沙先生。以其嗣君克衢。所集右軍書孝經石刻見寄。東晉去今千餘年矣。其能得當日用筆之妙。非法眼不能遽辨。至若事涉遊藝。意本尊經。蒐採不遺。取舍允當。則真石臺之鼓吹。逸少之功臣也。克衢博綜六藝。茲刻蓋窺豹一斑。敬跋數語。以識景慕。

哀辭

張左人哀辭

幽蘭空谷子。誰采其芳。赤驥伏櫪子。孰辨其良。胡豐
而彭子。胡嗇而殤。榮枯隨化子。天道之常。維君嫖修
子。動罔不臧。內行純備子。出言有章。冬爐夏篋子。慈
母之旁。嚴事兩兄子。率彼攸行。衣冠必飭子。容貌必
莊。博聞強識子。富有縹緗。樂行憂遠子。神旺而康。無
愧無忤子。不仕何傷。養生齊物子。善學蒙莊。有子能
繼子。教以義方。家庭雍肅子。桑梓之光。一朝委蛻子。

逍遙帝鄉。生順沒寧子。奕世其昌。言念舊遊子。泣下
淋浪。哀君以辭子。曷云能忘。



